

Zeitschrift: Igl Ischi : organ della Romania (Societat de Students Romontschs)
Herausgeber: Romania (Societat de Students Romontschs)
Band: 25 (1936)

Nachruf: Luis Schuoler Vice-president della Romania
Autor: J.B.

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 22.02.2026

ETH-Bibliothek Zürich, E-Periodica, <https://www.e-periodica.ch>

† Luis Schuoler

Vice-president della Romania.

«A miez la veta
La mort schluetta,
Fallescha mai la mira,
Mo cu' la pren
Ils buns naven,
Tut che seresent' e plira.»

Dumengia-alva 1935 ei tut sur ura arriva-
da la tresta e nunspetgada nova della prema-
tura mort de student Luis Schuoler de
Sumvitg. Buca mo en casa paterna ed en siu
liug nativ, na era tier tuts ses amitgs ed en-
conuschents ha sia anetga mort creau gronda
consternaziun.

Il grond til de bara, che ha cumpignau las
restonzas terrestras de Luis Schuoler el pitto-
resc santeri de Sumvitg ha dau perdetga ch' el
era beinvesius e carezaus da tuts. Las bandie-
ras della Romania e dil collegi de Sviz, cum-
pignadas d' in respectabel diember de students
han rendiu sur la fossa aviarta il davos salid
de comiau al car defunct.

Student Luis Schuoler ei naschius a Sum-
vitg igl onn 1914. Suentar haver frequentau
la scola primara eis el serendus alla scola
claustrala a Mustér, sededicond leu durent 4
onns cun grond entusiasmus e spért de lavur
al studi gimnasial. Ils treis davos onns ha el
passentau el collegi «Maria Hilf» a Sviz. Pauc
temps avon igl examen de maturitad ha la
nauscha malsogna, che furiava gia dapi entgin
temps zuppadamein en siu intern, vuliu inter-
rumper la continuaziun de ses studis. Mo gra-
zia a sia extraordinaria energia ha el tonaton

pudiu resister durent ils examens finals. Cun ina excellenta matura, mo corporalmein sfrac-caus eis el serendius a casa, bandunond ses camerats maturants che levan aunc festivar la victoria en usitada maniera. Nunditgond la stinada malsogna, siu spért luvrava ad in luvrar ed el fuva sedecidius de serender igl atun a Friburg per studegiar la medischina.

«Il carstgaun propona e Dieus dispona» ed il Segner veva era destinau autruisa. La stad varga, igl atun ei silla sava, il semester entscheiva, mo il premurau student sa buca bandunar il létg. Ins tralai nuot e fa tut sforz per saver medegar il giuven pazient. Mo tut adumbatten! Ins fa la davosa emprova e tarmetta el a Glion el spital. Gia plirs meins el spital, il bien amitg crei aunc adina de puder resister alla nauscha malsogna. Mo dumengia-alva ha igl aunghel della mort fatg fin a tut ses plans.

Student Luis Schuoler era in giuven exemplaric, niebel, grad, sincer e de bien caracter. El era plitost amitg della retratgadad che della rueida dil mund. Mai vess el encuretg de sefultscher davontier, mobein d'ademplir exactamein sias obligaziuns.

Renconuschend sia capaciad ha la Romania cun caschun della fiasta a Trun 1933 elegiu Luis Schuoler actuar. Igl atun 1934 a Razen s'avonza el vice-president. Ella persuna de Luis Schuoler ha la Romania piars in premurau ed affectuau adherent de nossa viarva romontscha.

Bien amitg, Ti has bandunau quest mund ella flur della giuventetgna, mo en nossa memoria vivas Ti aunc vinavon. A bien sever!
R. I P. J. B.
